



Inatsisartuni ilaasortaq
Jens Frederik Nielsen, demokratit

15-02-2022
Suliap normua 2022 - 3891
Akt. id. 19283711

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

**Inuusuttut suliffeqarnermi peqataasinnaanerat pillugu § 37 naapertorlugu apeqquiti
nr. 042-2022**

Asasara Jens Frederik Nielsen.

Qujanaq apeqquaqatinnut Naalakkersuisut suliniuteqarniarnersut pillugu "Inuusuttut Kalaallit Nunaanni sulinerat pillugu nalunaarusiaq" allanngortikkumallugu. Apeqquiti matumuuna akissuteqarfigissavakka:

1. Naalakkersuisut suliniuteqarniarnertutik "Inuusuttut Kalaallit Nunaanni sulinerat pillugu nalunaarusiaq" allanngortissallugu, periarfissaalersillugu inuusuttut 16 aamma 18-inik ukiullit aalisakkerivinni sulisinnaalersillugit?

a. Naalakkersuisut qanoq nalilersinnaavaat nalunaarusiaq eqqaaneqartoq taamatut iliornikkut periarfissanngorsinnaanersoq?

Ad 1) Inuusuttut 16-it aamma 18-it akornanni ukiullit Kalaallit Nunaanni sulinerat pillugu nalunaarusiap allanngortinneqarsinnaanera pillugu taakkua aalisakkanik suliffissuarni sulisinnaanerat eqqarsaatigalugu Naalakkersuisut iliuuseqarumapput misissussallugu pisariaqarnerseq.

Ad 1 a) Naalakkersuisut assersuutigalugu takusinnaavaat kapitel 4 allanngortissallugu periarfissaasoq, taamalu aalisakkanik suliffissuarni sulisarneq ersarinnerulersillugu. Kisianni tamatumani apeqquataasariaqarpoq danskit beskæftigelsesministeriannik oqaloqateqarnissaq, paasilluarumallugu allannguinnissaq pisariaqarnerseq, imaluunniit nalunaarummi inuusuttut 16-18-inik ukiullit aalisakkanik suliffissuarni sulisinnaanersut periarfissaareernersoq.

2. Naalakkersuisut ataani tunngavilersuutigineqartut eqqarsaatigalugit allanngvineq qanoq isumaqarfigaat?

Ilumoorpoq meeqqat atuarianniit atuarnermikkut naammassillutik anisartut ilaat amerlasuut inuusuttuaqqanut ilinniartitaanernik aallartitsinngitsortarput imaluunniit suliffeqalissanatik. Inuit taakkua sulisinnaassusiat aamma atorfissaqartinneqarpoq, ilutigisaanillu inuusuttuaqqat suliffeqarnermi inuunermik ilinniarsinnaapput, ilinniagaqalernissamut piareersaatigisinnaasaminnik.

3. Taamatut allanngvineq pisortanut aningaasatigut allaffissornikkullu kingunissaat suuppat?



Suliassaq Naalakkersuisoqarfinni suliassat allat ilaannut ilanngunneqassaaq.

4. Naalakkersuisut pineqartumut allanik paasisutissiisinnaanerlutik?

Naalakkersuisut saqqummiuppaat sulisoqarnermi periusissiaq nutaaq, tassanilu suliniutissat ilagaat inuusuttuaqqat 18-it inorlugit ukiulinnut sunngiffimmi suliffissat pillugit paasisitsiniaanissaq. Naalakkersuisut anguniagaraat inuusuttuaqqat angajoqqaavisa aamma inuusuttuaqqat namminneq eqqumaffiginerulissagaat suliffeqarsinnaanissaq. Taamatut aamma suliffeqarfiit, taakku inuusuttuaqqat sulisoqarnermut ilanngunnissaannut piareersimaneruleqqullugit.

Med venlig hilsen

Mimi Karlsen